

Date – 29/03/2025

Time - 7:30 -7:40Hrs

REGIONAL NEWS BULLETIN

HEADLINES (MORNING)

- 1. Chief Minister Pu Lalduhoman tlangram lo neih thlakna tha tak chu kuhva leh rubber chin a ni a ti.**
- 2. Chief Minister's Bana Kaih Innovation Challenge lawmman nimin khan Aizawl Vanapa Hall ah sem a ni.**
- 3. Sawrkar laipui chuan Electronic Component Manufacturing Scheme hnuaiah tanpuina sum cheng vaibelchhe sing 2 sang 2 pek a remti.**
- 4. Nimnina Myanmar leh Thailand lirnghingah mi 144 aia tlem lo an thi a, mi 732 in hliam an tuar.**

<><><>

COOPERATION MINISTER

Chief Minister Pu Lalduhoman Mizoram ram ngaw tha sawp chhe tu tlangram loh nei, hlawk bawk si lo thlakna tha tak chu kuhva chin leh rubber chin a ni a ti.

Nimnina Mizoram New Capital Complex-a ATI Auditorium-a Land Resources Soil & Water Conservation Department buatsaih science thiamna hmanga kuhva rah chin dan inzirtirna hun a hmanpuinaah he thu hi Chief Minister chuan a sawi a. Chief Minister chuan kuhva chu Mizoramah hectare 30,000 velah chin mek a nih thu a sawiin a hralhna a tluan chuan eizawna tlak a nih thu leh chhungkaw tam tak pawhin lo neih bansana an chin thu a sawi a ni.

Chief Minister chuan Soil department hmalaknain Zamuang leh Chemphaiah kuhva processing plant an din dawn thu leh sum pawh NEC atangin cheng vbc 7 leh nuai 43 pekchhuah a nih tawh thu a sawi a, tender pawh chhuah mek a nih thu sawiin April thlaah hna an thawh tan theih a beisei thu a sawi a. Chief Minister chuan an sorkar veleh dan loa Mizorama kuhva rah lut thin tihtawp tumin thapui an thawh nghal tih a sawi a. Tun hma ngaihtuah chuan kuhva tawlhru tute an chepin an tawmim tawh hle a ni a ti a.

Training-ah hian kuhva chingtu mi 200 chuang telin science thiamna hmanga kuhva chin dan bakah kuhva ei chhe tu laka inven dan te zirtir an ni a. Mizoram Kuhva Chingtu Pawl General Body Meeting leh Inthlanin a chhonzawm bawk a ni.

<><><>

CM BANA KAIH INNOVATION CHALLENGE

Chief Minister's Bana Kaih Innovation Challenge lawmman semna hun chu nimin khan Aizawl Vanapa Hall-ah Chief Minister Pu Lalduhoma hovin buatsaih a ni.

Chief Minister chuan, an thupui ber leh an au hla ber chu, kut hnathawktu leh mahni kut kea ding duh, mi tumruh leh taima te, an bana kai a, eizawna ngel nghet an neih theih nana puih a ni a ti a. Bana Kaih hnuaiah hian chutiang mi te chu Progress Partner an ti a, a thawhkhatna hnuaiah mi 517 thlan an ni a. Chief Minister Special Package hnuaiah mi pakhatin cheng nuai 1 thleng an dawn theihna tura hmalakna a kal mek bawk a ti.

Khawtlang, NGO leh Registered Societies te pawhin Bana Kaih Programme zar zo ve se an duh a. College students ten intihsiakna thianglim Local Immersion Programme te nei se an tih avangin he Innovation Challenge hi an siam ta a ni, a ti.

He intihsiaknaa Departmental Innovation Challenge ah Horticulture Department chu pakhatna a ni a, District Innovation Challenge-ah Aizawl District ah Melthum Local Council pakhatna an ni a, Champhai District ah pakhatna chu Champhai Jail Veng, Saitual District-ah Keifang YMA Venglai Branch, Siaha Districtah, pakhatna- YLA No-aotlah, Mamit District:ah pakhatna Darlak Agri and Allied Services Cooperative Society Ltd. Lawngtlai District:ah pakhatna Phongpi Organic Farmer Producer Company Limited, Sangau, Khawzawl District:ah pakhatna Chawngtlai - Mizo Historical Village Society, Serchhip District:ah pakhatna - Khawlailung Multipurpose Cooperative Society Ltd, Hnahthial District: ah pakhatna – S Vanlaiphai Nauban SHG,

Higher Educational Institutes Local Immersion Challenge: ah pakhatna chu Govt. Hrangbana College a ni a, Inventor's Challenge: Higher Educational Institution- ah mimal lawmman dawng engemawzat an awm bawk a ni.

<><><>

CM

Chief Minister Pu Lalduhoman a office-ah Central Task Force on Compliance Reduction and Deregulation te nimin khan a kawm a. Mizoram tlawha an zin chhan leh an hmalaknate a sawipui.

Chief Minister hian meeting hrang hrang an neihna minute te a rawn chhuah hunah a tul ang zela sawrkarin a lo bawhzui tur thu a hrilh a. Mizoram sawrkarin Investment Policy a neih thar thu te, rail fed Industrial zone din tura hmalak mek a nih thute pawh a lo hrilh.

Ministry of Panchayati Raj Secy Pu Vivek Bharadwaj an a rawn ho va. Pu Lalmalsawma Pachuau, Secretary, Planning leh Pu Chuahhnuna, Director, LAD ten an tawiawm bawk.

<><><>

FMGEW

Sorkar hnathawk inzawmkhawm pawl Federation of Mizoram Government Employee & Workers (FMGE&W) te chuan Mizoram Universal Health Care Scheme (MUHCS) ah Sorkar hnathawk te huam tir ve lo turin Chief Minister hnenah lehkha an thawn.

Sorkar hnathawk inzawmkhawm pawl chuan an pawl Special Assembly-ah sorkarin MUHCS a duan chu a systemah kimchang lo leh felhleh a la tam avangin tuna an system duan chu siam fel a nih hma chu mipui leh pensioner te hmantir an nih pawhin anni sorkar hnathawkte chu hman tir ve lo va CSS(MA) Rules 1944 hman zui tir ni se an ti a, Chief Minister hnenah pawh an thlen thu te, Chief Minister in a hova enzui a intiam tawh thu lehkhaah hian an sawi a ni.

MUHCS chu sorkar hnathawkte huama April thla tir atanga hman tan tura puan hnan an ni chu an hrethiamlo tih an sawi a, MUHCS hnuaiyah an hlawh atanga pawisa cut sak an nih mai bakah an senso zawng zawng an bill thei chuang si lo tur chu manganthlak hle dawna an hriat thu an sawi a. MUHCS chu a system kal dan turte siam fel a nih hma chu sorkar hnathawkte huam tir ve lo turin Chief Minister an ngen nawn tih lehkhaah hian an tarlang bawk a ni.

<><><>

AIR NEWS ON SOCIAL MEDIA

Chanchinthar hi Akashvani Aizawl atanga puan a ni a. AIR News Aizawl Youtube Channel, All India Radio News Aizawl Facebook page leh newsonair.gov.in ah te chanchinthar hi ngaihthlak leh chhiar theih a dah a ni.

Vawiin chawhnu dar 2 leh a chanve-ah Chanchinthar puan leh a ni ang.

<><><>

I&B

Sawrkar laipui chuan Electronic Component Manufacturing Scheme hnuaiyah tanpuina sum cheng vaibelchhe sing 2 sang 2 pek a remti. Union I&B Minister Ashwini Vaishnaw chuan he scheme hian hna thar sing kua sang 1 chuang a siam belh tih a sawi a ni.

Sawrkar laipui chuan Central sawrkar hnuaiyah thawkte Dearness Allowance leh Pensioner tana Dearness Relief chu zaa 2 in a ti pung bawk a. Kumin January ni 1 atanga chhiar tan tur a ni ang. Sarwkar thutlukna hi Central sawrkar hnuaiyah thawk mi nuai 48.66 leh pensioner nuai 66.55 ten an hmang thei dawn a ni..

<><><>

PM

Prime Minister Narendra Modia chuan ramdang nena indawrnaah "India dah hmasak" India First chu an policy anih thu a sawi. Private TV channel pakhata a thusawiah he thu hi sawiin Pu Modia chuan India chu khawvel kalphung tharah a tel ve mai nilovin khawvel hma hun siam kawngah tha a thawh hnem ve hle a ni a ti.



EARTHQUAKE

Nimnina Myanmar leh Thailand lirnghingah mi 144 aia tlem lo an thi a, mi 732 in hliam an tuar. Myanmar sipai hotu General Min Aung Hlaing sawidanin Nay Pyi Taw ah mi 96 an thi a, Sagaing ah mi 18 leh Mandalay ah mi 30 an thi a. Mitthi leh hliam tuar zat hi a la pun chhoh a rinawm thu General Hlaing chuan a sawi a ni.

Puan tawh angin nimin chawhnu khan Myanmar-ah na takin tum hnih lir a nghing. Lirnghing hi a nat zawng tehna ritcher scale 7.7 leh 6.4 an ni a. Myanmar-a mandalay-a lei hmingthang Ava Bridge chu Irrawaddy luiah a chim a, in leh bungraw tam tak a chhe bawk nia thudawn a ni. Lirnghing intanna atanga km 900 vela hla Thailand khawpui Bangkok ah pawh hriat a ni. Thailand Prime Minister Paetongtam Shinwatra chuan nimin khan inhmukhawm hmanhmawh a ko nghal a. Thai defence minister sawidanin mi 90 chin hriatlohin an awm mek a, mi 3 in chimin a delh hlum tih a sawi bawk.

Lirnghing hi Kolkatta leh Imphal-ah hriat a ni bawk.

Prime Minister Narendra Modia chuan Myanmar leh Thailand-a lirnghing chu pawh atih thu a sawi a. Social media ah he thu hi tarlangin Pu Modia chuan lirnghing tuarte chhawmdawl turin India chu a inhawng reng tih sawiin External Affairs Ministry pawhin Myanmar leh Thailand sawrkar an be pawp reng tih a sawi a ni. Hetihlai hian Thailand-a Indian Embassy chuan India mi harsatna tawh an awm chuan biak pawh theihna tur number a tichhuak a. Hei bakah hian Bangkok-a Indian embassy leh Consulate te chu an him tih a tarlang bawh a ni.

Myanmar-ah chuan ram bial hmun rukah emergency puan niin heng zingah hian Naypyitaw leh Mandalay te pawh an tel a ni.

Nizan khan IAF C 130 J thlawhna hmangin chhawmdawlina bungrua tonne 15-a rit chu AFS Hindon atangin Myanmar ah hian thawnluh a nih thu Ministry of External Affairs chuan a sawi.



PM MANN KI BAAT

Prime Minister Narendra Modi chuan Pathianni chawhma dar 11 hian 'Mann Ki Baat' programme-ah ram chhung leh ram pawn mipuite hnenah thu a sawi leh dawn a, Tun tum ami hi a tum 120-na tur a ni ang.

He programme hi Akashvani leh Doordarshan network pumpui, AIR News website leh Newsonair mobile app-ah te tihchhuah a ni ang a, AIR News, DD News, PMO, leh Information and Broadcasting Ministry-a YouTube channel-ah live-stream a ni bawh ang.

